

KUÑA PARAGUAI REFLEXIÓN DE 5'
VERSIÓN RESUMIDA NÚMERO 27
TEMA: Piedras en los Riñones- El Juez injusto.

1ª. Tesalonicenses 5:17-pe he'i: "Peñembo'éke opaite aravópe."

Mbo'epy: "ITA RIÑÓN 'PE"/"HUE HEKOJOJA'ÝVA"

Mbo'epy ogueru ñandéve **LOIDA MONGELÓS**.

Mba'éichapa che angirû?

Ko árape ñañe'êta ñane riñón rehe ha tuicha mba'eha jay'u hesãi hağua ñane riñón- nguéra.

Lecciones Para la Vida: Piedras en el riñón

¿Mba'éiko he'ise ñande ry'ái ha jaguereko ita ra'yi ñane **riñón-pe**?

Ñande ry'ái heta ramo, he'ise ñande retégui osẽ y, ñamyengoviava'erã.

¿Rehechámapa ysyry heta ndokyvúi rire?

Opyta hetaiterei yvyra rogue ha opáichagua mba'e ky'a. Tekotevẽ heta y osẽmba hağua mba'e ky'a.

Ñane **riñón**-nguéra oguenohẽ ñande ruguy ky'akue okápe. Nda jay'u porãi ramo, ñane riñón-nguéra opytáta mba'e ky'a rehe, pe ysyryicha. Umi mba'e ky'a osẽva'erã ñande ty rupi, nosẽirõoiko chugui ita ra'yi.

Jay'u heta ramo oipytyvõ ñande retépe ani hağua ijypi ha ponóike ijaty ita ra'yi ñane **riñón-pe**.

¿Mba'éicha jaikuaa jaguerekoha ita ra'yi ñane riñónpe?

Pe ita ra'yi reguereko ramo ne riñónpe, hasy nde **costilla** guýpe, oguejy nde ty rape rupi, nde ty ryrúpe ha osẽva'erã nde ty rupi, nosẽirõ ehova'erã doctor-pe, ikatu reguereko **infección** ne **riñón-pe**. Ikatu reikotevẽ antibiótico omano hağua umi gérmen-kuéra

Rehechakuaáramo osẽ hague pe ita ra'yi reikotevẽ rey'u heta, ára ha ára. Ha hasy jeýramo ndéve, ejapova'erã **tratamiento**.

Mitãnguéra **riñón** hasýramo pya'e oñepohanova'erã.

Lecciones para el alma: La oración- Parábola del Juez injusto.

Ñande rekovépe ikatu oĩ ñande py'apýva ha ndajaikuaái mba'épa. Ñande pochy, ñañe ñanduvai. Heta mba'e ijaty ñande rekovépe pe ysyry hypávaicha ha henyhẽ mba'e ky'águi.

¿Mba'épa ikatu jajapo?

Ñañembo'e Ñandejárape, ñamoĝuahẽ chupe ñane rembiasa, ñembo'e ojogua y potĩme, omopotĩmbáva mba'e ky'a jaguerekóva ñane korasõme.

1ª. Juan 1:9pe he'i: "Ñamombe'urõ ñane rembiapo vaikue, Ñanderuetépe, oheja reita ñandéve, ha jajeruréramo perdón ha'e ñane ñyrõta, ha ñane mopotĩta mba'e vaĩgui".

Ñandejára nde rayhu; Ha'e oikuaa mba'épa oĩ ne korasõme.

Lucas Cap. 18pe Hesu omombe'u oĩhague peteĩ juez rekovai ha peteĩ viúda ojoavýva hapichándi, oho upe mbojovakehára rendápe ojerure oipytyvõ haguã chupe. Heta ára, upe hue nohenduséi chupe, upéi ojepy'a mongeta: "Ndakyhyjéirõ jepe Ñandejáragui, ko kuñakarai che myangekóita akóinde. Aipytyvõta chupe anive haĝua che mbyaju."

Ko kuñakarai oho juez rendápe ndoguerekóigui ojerovia haguã, juez añoite.

Jesucristo ou vove, ¿Ojuhúta piko ojeroviáva hese?

Ñandejára hekojoja ha oporohayhu. Ñañembo'eva'erã umi ñande rapicha kuña oiko asývare taimbarete, toguereko arandu osẽ haĝua ijehasa asýgui.

Ñandejárape ñamombe'u ñane rembiasa ñembo'e rupi. Jesús he'iva'ekue: "Oĩ ramo ijyuhéiva, tou che rendápe, ha toy'u".

Juan 7:38pe he'i: " Umi che rehe ojeroviáva py'águi osyrýta y oporomoingovéva."

Oĩhápe y oĩ tekove. **Jesús** oikuave'ẽ ñandéve y ñane moingovéva, ñane mbarete pyahu jey haĝua.

Ñandejára ohenduse ñane remikotevẽ. Jahasa porã ha jahasa vaíva.

Opáma che aravo. Jajojuhu jey peve. Ñandejára tanderovasa. Taupéicha!!!